

浙江通志
卷之八
藝文志
詩
上元已未中春之月野侯高時顯書

上元已未中春之月野侯高時顯書



浙江通志釐金門稿目錄

卷上

釐金各捐總序

釐金序例

釐金緣起附訂諸書之誤

浙省開辦釐捐之始

局卡規制

百貨分別起驗抽收章程備錄條款

續改浙東起驗併收及禁止補捐章程備錄條款

浙西改辦認捐後長路行商辦法

百貨釐金抽收細則表分十二類

浙釐目錄

百貨內改為先捐後售之棉花釐金

百貨卡附屬之廠紗捐

絲繭釐金

內附綢緞加捐一條 節錄申明繭捐章程
開辦熙器縲絲廠詳文 改辦繭竈捐詳文

茶捐及釐金

茶糖煙酒加成及改辦酒捐烟捐

洋藥土藥釐金附膏捐

釐金罰款

坐賈及落地捐認捐辦法

滬杭鐵路火車貨捐

諮議局關於釐金之議案

卷中

釐金比較功過章程

奏提各局卡盈餘專案

局用開支節省一成及派提歸公

釐金歷年收數報部收支大略

浙省釐捐帶收及外銷各款大略

照錄局詳光緒三十年上半年分釐捐報部清冊

又盈餘報部清冊

又三十年下半年分報部清冊

又盈餘報部清冊

照錄釐局造送藩司歷年帶收外銷各款清摺

局卡異同沿革表每府一表嘉屬分新舊二表凡十二

浙釐目錄

二

卷下

浙東五府釐金指抵洋款由部另籌撥補原案

附錄光緒二十三年司局會議整頓釐捐一案詳文

附錄光緒二十三年彙詳請裁併嘉郡宄卡改辦落地捐詳

文

附錄光緒二十四年呈送彙刊浙省釐務整頓已定各案詳

文

李應珏請設奉化方橋水卡裁撤西塾關嶺旱卡議

王清穆論百貨絲茶釐金諸弊并籌改辦營業稅

浙江通志釐金門稿卷上

會稽顧家相初纂

釐金各捐總序

明以加賦亡天下順治入關首除加派以蘇民困康熙初三藩告變饋餉不繼權宜征取未衷諸道事平之後謂不足以示子孫典章纂述削而弗紀其制遂莫得而詳焉自時厥後定永不加賦之令行輪年普免之惠官司凡有興作富民輸財仗助必予以獎敘其不欲於正供外妄費吾民一錢固昭然可共信也乾隆全盛崇極而圯政治日窳河工漏卮於是屢開事例計值授官雖貽鸞爵之譏猶有酬庸之意焉咸豐籌餉名器益濫金陵淪陷皖楚鼎沸師徒倍徙司農仰屋統兵者各自謀以贍軍用江北創抽釐之舉

浙釐上

而湖南且以一隅供東征之師蓋關權以外取諸民而弗給以酬者自釐金始矣綜計道光之末粵西構亂迄於髮捻蕩平垂二十載其軍需所以不匱者惟捐例釐金二者是賴顧納資入仕流品既雜官方或乖而釐金但取商賈之盈雖物價漸昂士農猶徐受其損而不覺較之捐例似爲差勝惟軍興之際朝廷每以不得已爲言商民想望太平希冀停免迨東南底定曾文正公以得力於長江水師奏請定爲經制月餉所需酌留長江釐卡數處永以爲例各省疆吏亦以豢養防營藉消伏莽善後孔亟百廢待興恃釐金爲挹注隴右關外又資以用兵者十稔部臣指撥京餉視同正款裁撤之議莫肯先發雖以外人允加關稅要請免釐卒亦未能實行吾民之擔重負者逾五十年甲午庚子兩役議償巨款竭中

國以奉外人內而計臣外而疆吏始不能拘祖宗成法公然以籌款爲名多方聚斂其苛細數倍於釐金而後歎釐金之制征於商者尙微濟於公者甚鉅猶未爲病民也茲取浙省商捐昔隸於釐捐局者敘其原委而後起之雜捐次之捐輸請獎事例雖非常設其有可考者亦附焉區分類別以著於篇

釐金序例

釐金之制前無所承論者或擬諸趙國軍市之租及漢唐告緡率貸宋之經制錢要皆取近似者強爲比附其政實創而非因也襲商人贖資之舊名供軍國征繕之至計濫觴作俑有開必先故首敘其緣起百戰之餘恢復疆宇得尺則進尺有土斯有財故次紀浙省之開辦締造艱難次第建設歷久始備書缺無徵故次考其

浙釐上

二

規制之大略扼要設卡頗近關征而分卡巡船碁布星羅較關爲尤密規畫所及以行商百貨爲最詳起驗分收名目刊布備錄焉以攬其全高昌嘉卉衣被蒼生功埒蠶繅利亦相亞製紗設廠稍塞漏卮分著焉以存其概至若土產大宗惟絲最鉅別於百貨特立專條收繭購機遞臻美備故紀絲捐而繭尤加詳焉茶有官引與鹽略同而非盡產於本省今引課自爲一門而捐釐則從其類消耗之品多取非虐茶糖煙酒加成與改辦之捐又次焉罌粟入口毒我烝民貪利種植以征爲禁峻法旣頒乃去其籍摺撫叢殘爲洋藥土藥釐金一篇而膏捐附之商人重利繞越偷漏威之以法聊示薄懲故次紀罰款征商之始昉自壟斷周禮賦廛戰國征市而釐金之制獨疏於坐賈行之旣久方改認捐執簡馭繁得人

乃理茲彙集爲一類視行商區以別矣物窮則變事豫則立開關設埠懼失主權加稅免釐驟難踐約汽輪通道移步換形輿論爰咨集思廣益釐金之終變爲統捐其勢則然也惟兩浙鹽法遭亂盡隳釐課並徵實規復舊章之初步事理相因當附鹽釐於鹽課茲不複出焉先哲有言寬一分則民受一分之福然而取民宜寬馭吏則宜嚴釐金爲不得已之政而功令定爲比較尤非得已其法屢變而重其考成杜其中飽用意則同陽湖銳意整頓嘉定相與有成提盈餘議賠繳皆責難於官而非取盈於商迄今披誦遺文猶想見人存政舉之盛功不在湘陰下也擷其精要式仰典型厥後局用開支益求節省歸公報効復派解囊變本加厲感慨係之若夫釐金外銷各省同弊報部之數迄無真相浙則善後之捐

浙釐上

既附加於正額之外儲備之款又劃分於正額之中歷屆奏咨莫窺全豹多方掇拾勵等舉隅綜計同治光緒宣統三朝時異勢殊迭有改革官書則疏舛不免私家之著述無多互勘異同彙列一表雖非完備而五十年之陳迹略可覩矣他如浙東釐金指低償款稅務司未嘗接辦籌解者悉索以供徒有撥補之名並無挹注之實在庫款爲鉅累而於受征之商經征之官實皆無涉附書原案用備參稽至於嘉謨讜論未見施行立言不爲一時異代或蒙采納姑存其說亦得失之林也所恨檔案淪亡蒐討未徧條分縷析既竭吾才補闕訂譌敬俟來哲云爾

釐金緣起

凡事必原其始而創議捐釐之錢江乃浙人彈劾流弊之宗待御亦係浙人且他省仿行而浙省獨後皆特別

之關係也惟公私紀載頗多謬誤茲博考羣書校以兩東華錄之月日纂爲此篇而諸家之誤并附訂於左云

咸豐二年二月丁丑命太常寺少卿雷以誠翰林院侍講學士晉康赴南河巡視黃河口岸防賊北竄是月甲申擢以誠爲左副都御史時粵賊由安慶東犯金陵陷之鎮江揚州相繼失守琦善陳金綬督師江北圍攻揚州不克以誠等抵清江浦與南河總督楊以增會商稽查渡口布置粗定晉康奏請赴其父慧成軍營效力以誠亦奏請赴裏下河設局勸捐藉練壯勇以誠旣自成一軍遂駐揚城東路萬福橋與琦善陳金綬相犄角規復郡城而裏下河餉源所在亦藉以保障江都屬境仙女廟商賈輻輳各業會館舊有醵資章程名曰釐金浙江長興已革監生錢江獻議請仿其法抽捐濟餉江先緣事褫革成新置會江因他故忤以誠乃坐以妄陳圖讖搖惑人心殺之而用其策奏報正法於五月庚申五月辛

浙釐上

酉擢以誠爲刑部右侍郎命幫辦揚州軍務以誠因手定釐金章程初試行於米行每米一石捐錢五十文繼推及於各大行鋪每百分約抽一分由

仙女邵伯諸鎮遞及裏下河州縣坐賈則按月繳捐爲板釐行商則設卡抽捐爲活釐商賈不病而軍餉以充十一月丁未轉補以誠刑部左侍郎旋因

東路鄉勇潰敗城賊突圍竄走十二月甲戌奉效具奏原奏見皇朝續文獻通考四年三月癸亥 上諭軍機大臣等雷以誠

奏試行捐釐助餉業有成效請推廣照辦以裕軍儲并開列章程呈覽一摺粵逆竄擾以來軍餉浩繁勢不能不借資民力歷經各路統兵大臣及各直省督撫奏請設局捐輸均已允行茲據雷以誠所奏捐釐章程係於勸諭捐輸之中設法變通以冀衆擎易舉據稱裏下河一帶辦有成效其餘各州縣情形想復不甚相遠著

怡良兩江總督許乃釗江蘇巡撫楊以增兼署各就江南北地方情形妥速

商酌若事屬可行即督飭所屬勸諭紳士籌辦其有應行變通之

處亦著悉心斟酌總期於事有濟亦不致滋擾累方為妥善雷以

誠摺單均著鈔給閱看欽此由是推及江南全省而兩湖江西皆

踵行之浙江亦有倡議仿辦者巡撫黃宗漢不果行時御史王茂蔭宗稷辰先

後奏劾釐金流弊黃公之不果行當以此也王氏潘氏兩東華續錄 皇朝續文獻通考 平定粵寇紀略 庸間齋筆記 澤

雅堂集 長興縣志 湘軍志 湖南通志 平浙紀略

附訂諸書之誤

官書紀釐金者自光緒會典始會典戶部職任綜覈天下之釐金條下註云咸豐三年設立上海釐局接濟軍需厥後江北江
南等省次第開辦按以釐金為創於上海反指江北為仿行斯
為本末倒置攷辨見後其事例第一條云咸豐三年太常寺卿
雷以誠治軍揚州始於仙女鎮倡辦釐金按此條不誤但太常
寺卿間脫少字耳其第二條云是年蘇常疊陷止存上海一隅

浙釐上

乃設淞滬釐局按此條大謬蘇常失陷在咸豐十年何得連屬
於三年且上海縣城於三年為土匪所據用兵兩載僅能克復

安有是年即設局抽釐之事考江督蘇撫奉寄諭仿辦釐捐
在四年三月江南旋即開辦王子懷宗滌樓兩侍御具疏指斥

皆兼大江南北而言迨咸豐六年曾文正督師江西奏請在上
海抽釐諭旨尚以上海為通商口岸抽釐之舉於夷稅有無

窒礙寄諭督撫體察覆奏未遽允文正所請是上海抽釐不
但並非創始且較蘇省他郡縣為遲確有明徵乃因事例此條

誤相連屬而會典註文踵其誤而加甚遂謬以千里矣
劉澄如京卿 皇朝續文獻通考為私家著述言釐金者之始

乃謂雷公官江甯布政使主江南釐事遂擢副都御史頗乖事
實且於雷公原奏冠以布政之銜尤屬武斷按雷公並不兼管

糧臺所設各卡乃自行試辦厥後推行全省始歸藩司文煜按
管其原奏署銜當云革職効力刑部左侍郎也

同治以後各省新修通志如畿輔江西山西皆無釐金一門繆
筱珊太史所修湖北通志有之而其書未刊惟湖南雲南甘肅

三志均敘釐金湖南成書最先出李次青方伯之手乃以雷公
為江蘇布政使使其誤既與劉書等又稱詳請勝保具奏則尤誤

按勝保雖先與琦善同在揚州旋即統軍北去解懷慶之圍轉
戰山西直隸山東諸省豈能復與聞揚州之事且京員例得專

奏亦無待詳請也
杜觀訥文瀾久居江北所著平定粵寇紀略紀江北事獨詳雷

侍郎在江北大營創辦釐金惟此書敘述最確然亦有小誤如
云雷公巡視黃河事畢乃奏請殺賊自効云云按是年五月己
酉雷侍郎奏報現駐仙女廟保守裏下河情形奉諭稽查黃
河渡口最關緊要豈得任聽各屬一稟了事着一面設法保衛
下河地方一面會同楊以增等嚴密巡查河岸等因其同時奉
命稽查東河渡口之王少詹履謙在豫駐守數年之久是雷
公雖續派幫辦軍務而巡查渡口尚不得謂之事畢也至釐金
由錢江倡議反遭誣殺見於諸書不一而足杜氏獨不之及蓋
歸功雷公不欲顯揭其過耳非疏漏也
又按諸書多稱錢江為歸安諸生今據長興縣志澤雅堂集定
為長興人據奏案定為已革監生若江之事
實諸書互有異同當別為考辨纂入列傳云

浙省開辦釐捐之始

按平浙紀略謂浙省有倡議抽釐者巡撫黃公宗漢不果行但
自黃公去後迄杭城再陷時閱數載官更數任曾否仿辦紀載
闕如山陰陳錦蠡城被寇記述紹郡亂前事有釐捐之外繼以
戶捐之語是庚申以前已有釐捐要其年月規制別無可證惟
平浙紀略敘左文襄創辦釐捐事頗詳當時百度維新事同
經始故財政局說明書於釐金亦斷自同治初年今從之

左文襄督師援浙曾文正分撥江西景德河口樂平等處釐金以

浙釐上

六

供浙餉此款至同治二年六月方停止文襄入浙以衢州為根本乃飭兼署藩司

道員蘇式敬設牙釐總局於衢州並權鹽茶釐稅事在同治元年秋間委同知李

壽榛辦理名曰牙釐局者仿湖北江西之制以次推行於浙東各

郡委知府周開錫署溫處道以同知黃維浩署台州同治二年紹

興克復浙東肅清復設立鹽茶專局抽收釐稅以試用道葉熊辦

慶勳顧菊生代之並令許瑤光兼籌辦捐輸甯波則委甯紹台道

史致諤督率同知王元祥知縣臧均之等辦理此同治二年春夏

間省垣既復遂移牙釐總局於杭城培令知府高卿培試行票鹽總

局嘉湖遞克全境肅清凡設府局八隸於省局別設府局衢州改

為府局金並於各縣境衝要市集普設釐卡規制始完備焉平浙

不勝紀茲以文獻無徵僅平浙紀略有創辦數人姓名可想見當

日締造之艱難辦事之次第且會典事例

繫年錯誤惟是書堪以匡正故備採之

光緒會典事例同治元年浙江省移衢州牙釐總局設於省城除杭州金華嚴州三府不設府局外餘八府均設府局隸於省城分卡隸於各府云云案總局之移實在同治三年四月有報銷冊可證而元年乃衢州初設總局之年若府局八處係連嘉湖言之更在肅清以後事例於全省設卡既無總數又無卡各地址疏舛實堪不能為之諱也

局卡規制

按卡字古書所無吳任臣字彙補云楚屬關隘地方設兵立塘謂之守卡康熙字典據以增入蓋本為防戍譏察之所而收捐者遂沿用之其音今讀為溪母二等字北人叶馬韻乃恰上聲南人叶蟹韻讀如楷字彙補音雜始考之未審也

中國郡縣之制必設郡以統縣取其切近而監察易也惟釐金亦然浙省當創辦時先於各府設局以為臂指之使統轄屬卡而受成於省城總局初在衢州金嚴最近故不設府局後總局移杭而金止一卡嚴亦與杭相近仍歸省局直轄距郡城最近之卡則令府局兼辦屬卡所收之款則歸府局彙收轉解各府局皆由道府創始後遂以候補知府主之惟台州民悍以現

浙釐上

任知府兼辦釐務亦稱府局所屬之卡皆不出府境獨青田本屬處州而以距温州近便隸於溫之府局斯為特別之制光緒二十四年惲藩司祖翼以各府局兼辦之卡需索陋規多方中飽與各卡同弊改為另委專員承辦而府局遂無直接收釐之責其認有定數者

仍由府局經收轉解嘉興一府改認捐後裁撤府局歸嘉興知府兼辦當規模大定之後各卡既有專員省局不難稽核由是府局遂居於可

有可無地位而裁撤之議興矣光緒末張中丞曾敷通裁甯紹等六府局委員歸現任知府兼辦

各卡設於要津以待行商見貨抽釐兼綜百貨此初制亦通制也

惟絲為行銷外洋大宗乃定先捐後售遂有特設之絲卡後又創

辦繭捐另行設局於絲繭上市則設立事竣則停撤次年復然嘉

郡改認捐後共留七卡惟乍浦仍兼抽百貨餘皆改稱絲卡茶亦

行銷外洋於產地特設專卡而百貨之卡亦往往兼收絲茶洋藥
於進口處設卡而其餘舶來之品委專員以董理之如杭城洋貨
落地捐甯郡
洋廣貨閩貨船貨各
捐温州洋廣貨捐皆止收分類之貨而非全收百貨至卡有大
小以收數多寡爲衡最大者委候補知府而候補同知通判知州
知縣次之佐貳又次之其初委佐貳較多後以調劑州縣班乃多
用廳縣而佐貳派充司事見浙志便覽光緒二十三年令郡局兼
卡皆自派在省候補佐雜人員作爲司
事報明履歷旋又改郡
局兼卡另行委員分辦然亦有責成現任同知通判及知縣典史
兼辦者茲別爲局卡異同沿革表采其可考者具列表中

設卡雖能扼要必有可以繞越之處分卡之設尤非得已或市鎮
毗連彼此皆爲衝要因相距不遠止委一員以此爲正卡而彼爲
分卡者又有初設兩卡後因裁費歸併而仍留爲分卡者故分卡

浙釐上

八

有分收釐金及專司查驗堵截之不同嘉屬全係水鄉處處可通
舟楫全郡正卡十餘處分卡六十餘處光緒二十四年大加裁併
所留正卡七處轄分卡十八處并暫留分
卡三處又通省水路各卡除自
設巡船外另派水師駐守名曰護卡礮船兼司彈壓巡緝

省局歸藩司督辦或用道員爲會辦提調主一局之事以候補知
府爲之而稟命於藩司文牘由文案委員擬稿提調覆閱藩司畫
諾與藩署幕友劃分權限間有司局會詳或由司主稿者管庫委
員亦爲重要此外尙有各項委員皆用候補官僚又有司事書吏
若干人雜役若干名初名牙釐總局因兼辦捐輸或稱捐輸牙釐
總局後改釐捐總局最後將善後局併入兼
發軍餉則稱釐餉局宣統間裁併各局
改藩司爲分科辦事而內容仍無異各府局皆有司事或有以
隨員及雜役其有分卡自收捐項者皆有巡丁各正卡皆設司事巡丁

雜役分卡則不必皆備開支之數每月自數十千至數百千不等

今探其可考者分列表中光緒二十四年嘉興屬卡停收行商者革除巡丁各

目每卡止用司事一人聽差一人書職把門各一人節省實多礙

船雖有護卡之責所食係水師餉項不在釐金開支之內

各局卡均刊發關防鈐記但行用於公牘凡起驗聯票概由省局

印造給領同治三年省城初復已每月需聯票二十餘萬張見局刊章

程內同治三年詳文厥後全境底定自更遞增尙有各項護照及廠紗之三

聯單認捐之收照并嘉興改章後之分運單四聯票等皆由省局

印造頒發各有印記分別蓋用日久刊敝則照式另刊絲捐聯票同治初年

會飭各府局就近刊印給行應用光緒末改辦酒捐每壘需貼印票迺照刊印記一式四顆同時開用敝則一同更換

收捐定章百貨以錢數制錢十足茶及洋藥以銀兩庫平足紋絲以洋圓用

浙釐上 九

棉花及各項認捐或收洋圓或收錢不等當納捐時彼此折扣不無高抬抑勒之弊光

緒二十四年嘉興改辦認捐案內擬定條款准其錢洋並繳惟洋

價上落早晚不同由總局酌中定價按月頒發各卡條示局門以

歸一律宣統初銅圓通行諮議局請大小銀圓與銅圓並收并將定價牌示局門暨於釐票內批明

解款之制府局自收自解又彙收屬卡款項轉解蘭谿及杭嚴境

內各卡逕解省局其餘則解所隸之府局青田卡舊章按旬逢三

解繳每月三次光緒二十四年改章案內嘉興所屬改爲徑解省

局定每月初五日爲期將前月收數造冊掃數批解如有遲逾記

過示懲

商貨經由之路有紛岐錯雜不止一途者兩卡往往爭收商人既

視寬嚴以爲趨避卡員不惜減折以示招徠又有兩卡鄰接串通

賣放者江蘇省乃別派委員乘坐小輪隨地巡緝如查出貨票不符將貨物押回原卡究辦江西省仿江蘇辦法劃分上下游委員督巡浙省於光緒二十四年嘉興改章案內亦議仿行以上乃彙集諸書先撰成局卡異同沿革表復撮其大略述爲此篇有由諮詢而得者舊日委員常熟周大輔南昌楊國觀皆與參訂於以箴會典之闕而補說明書之略云

百貨分別起驗抽收章程

同治二年奏准浙江省浙東地方百貨釐捐值百抽九分爲兩起兩驗勻配道里遠近開卡抽收如貨值千文者起卡抽三十文驗卡減半捐足兩起兩驗者不復重徵浙西地方一起一驗由經過之頭卡併收餘均驗票放行會典事例 案官刊捐釐章程載有同治二年六月局詳左文襄批准蓋即據以入告惟浙西三府係次年全境肅清始設局卡抽收事例特連類及之耳

浙釐上

十

以浙江釐捐章程較江西江蘇皆輕情願仿景德鎮舊章照貨隨捐一成以作收養難民經費由局核議前定兩起兩驗章程逢起抽百分之三逢驗減半今議起捐仍每千抽錢三十文驗捐則改爲二十文較之原定一起一驗抽收四十五文計數適加一成儘可歸入起驗捐數併收以歸簡便其收養難民經費即於解到釐金核明成數分別撥給至各屬坐賈及不在起驗之列者均仍其舊以示體恤於是年五月奉閩督兼署浙撫左批准局刊捐釐章程內同治三年詳文 案江西釐金名爲兩護兩驗初卡抽三分次卡二分第三卡又抽三分次卡又抽二分合計十分浙省初制實仿江西雖護票改稱起票而每抽三分則同驗票則名與江西同而止抽一分半兩起兩驗合計九分較江西爲輕嗣加收難民經費驗票改抽二分則全與江西相等蓋因原定驗票本輕以取整齊之意惟景德鎮之隨捐一成名曰靠釐者却在十分之外此則加於十分之內較爲體恤也又案收養難民乃加收一成之原因厥後兼供各善舉之用財政說明書所謂善舉者即是此款

謹案善舉捐乃附收外銷之款本應別錄於後惟浙省創辦釐金甫及一年即增收此款併入正釐科則之內浙西局卡設齊尚在其後初辦即用起票三分驗票二分之制茲故依年月先後彙列于此而仍分兩條以示區別云

備錄局刊各局卡上下水起驗處所條款

一下水自江西入境者常山起蘭谿驗義橋起不由義橋而走新壩臨浦各卡

即由新壩等曹娥驗不由曹娥而由百官各卡甯波照票凡

卡作為起捐即由百官等卡作為驗捐抽滿兩起兩驗者各卡但照票放行

自西安辦貨者西安起蘭谿驗義橋起曹娥驗甯波照票

自蘭谿辦貨者蘭谿起義橋驗曹娥起甯波驗

自嚴州辦貨者嚴州起義橋驗曹娥起甯波驗

自義橋辦貨者義橋起曹娥驗甯波起少一驗

一上水自甯波辦貨者甯波起百官驗義橋起蘭谿驗西安常

浙釐上

十一

山俱照票

自百官曹娥辦貨者百官曹娥起義橋驗蘭谿起西安驗常

山照票

自義橋新壩臨浦辦貨者義橋新壩臨浦起蘭谿驗西安起

常山驗

自蘭谿辦貨者蘭谿起西安驗常山起少一驗

自徽州入境至下水者威平起義橋驗曹娥起甯波驗

自徽州入境至上水者威平起蘭谿驗西安起常山驗

自常山辦貨至徽者常山起蘭谿驗嚴州起威平驗

自西安辦貨至徽者西安起蘭谿驗嚴州起威平驗

自蘭谿辦貨至徽者蘭谿起嚴州驗威平起少一驗

自甯波辦貨至徽者甯波起百官驗義橋起嚴州驗威平照票

自百官曹娥辦貨至徽者百官曹娥起義橋驗嚴州起威平驗

自義橋新壩臨浦辦貨至徽者義橋新壩臨浦起嚴州驗威平起少一驗

自福建來者清湖起蘭谿驗義橋起曹娥驗

自婺源來者華埠起蘭谿驗義橋起曹娥驗

自台州來者高壩起義橋驗蘭谿起常山驗

自溫處至蘭谿者驗明釐票已抽幾次各卡仍按照兩起兩驗之數挨卡抽足如由縉雲至蘭谿者只抽過起釐一次蘭

浙釐上

谿仍抽驗釐或赴嚴州義橋西安一路者仍抽起釐威平曹娥常山仍抽驗

釐如已抽起驗兩次者則蘭谿抽起釐一次嚴州義橋抽驗釐

一次如已抽三次者則蘭谿抽驗釐一次總之以兩起兩驗為斷此外不得重抽

一榨溪專抽諸暨分水臨安桐廬一帶進出之貨其上下水商貨照票放行

一餘姚竹山港卡專抽花布及慈谿進出之貨并查驗洋藥捐票已捐驗票未捐起捐其上下水商貨照票放行以上同治二年原刊

一浙西杭嘉湖三府屬地方河港紛歧非若浙東金衢嚴甯紹等府一水直達可以分別起驗間卡抽收釐捐應於貨物經過之頭卡照章併收起驗釐捐一次以後經過浙西各卡照

票放行倘浙西貨物轉運浙東仍照浙東章程分別起驗間
卡抽收其由浙東販運浙西貨物亦即由浙西頭卡併抽起

驗一次案此條至光緒五年始行
補刊增入有詳案可稽
續改浙東起驗併收及禁止補捐章程

光緒二十二年部議飭令土產貨物光捐後售浙省遵照酌議將
浙東原定兩起兩驗分四卡抽收者改爲分兩卡抽收另定新章
刊布惟紹屬棉花運赴西路者改爲一次
抽捐後遂實行先捐後售另詳後篇自是年八月爲始凡浙
東向收驗釐之卡則將驗釐額數剔除暫不列比截至二十三年
七月止試辦一年以浙東昔收起捐今兼驗捐者核計增收之數
彼此相抵稍有盈餘遂即照所收數目加入比額至補捐之弊叻
於浙西光緒二十三年整頓釐金案內先後詳稱浙東河港並非

浙釐上

四通八達與浙西不同無可藉口其起驗並收之卡若不捐足下
卡必以補捐爲名或索取陋規有意留難使商販不出錢不止禁
之不早恐與浙西同病應將補捐一層懸爲厲禁凡頭卡已捐之
貨經過次卡如查明實在短捐准押令仍赴原卡捐足然後放行
嗣經查出衢州一帶向有補捐之事復申明禁令飭歸上卡捐足
下卡不准補捐並將比額彼此劃撥以清界限補捐名目永遠革
除如敢顯違從嚴撤參光緒二十二年官刊改定起驗章程
光緒二十四年彙刊詳案
光緒二十五年
重訂比較章程
按宣統間諮議局議案有貨物運售內地
止捐半數之說實則章程內無此明文已於彼條下考辨矣
備錄局刊重訂甯紹金衢嚴五府各局卡起驗併收處所條款

據光緒二十二年刊本
內有補舊章未備處

一下水自江西入境者常山併收初起初驗西安龍游蘭谿嚴

州照票運往甯紹者義橋併收二起二驗曹娥百官甯北門
照票

自西安龍游辦貨者西龍併收初起初驗蘭谿照票運往甯
紹者義橋併收二起二驗曹百北門照票

自蘭谿辦貨者蘭谿併收初起初驗嚴州義橋照票運往甯
紹者曹娥併收二起二驗百官北門照票

自嚴州辦貨者嚴州併收初起初驗義橋照票運往甯紹者
曹娥併收二起二驗百官北門照票

自義橋辦貨者義橋併收初起初驗曹百照票運往甯波者
北門二起舊少一驗

自分水桐廬富陽一帶辦貨出義橋運赴甯紹者義橋併收

浙釐上

西

初起初驗曹百照票北門二起舊少一驗運赴杭州過聞堰者向
無初驗聞堰併收初起二起江干照票如運浙西應在湖墅
完一驗捐經過各卡查照放行少一驗捐

自諸暨東陽浦江辦貨由山路出臨浦運赴甯紹者臨浦併
收初起初驗曹百照票北門二起舊少一驗運赴杭州者向無初
驗臨浦併收初起二起江干照票如運浙西應在湖墅完一
驗捐經過各卡查照放行少一驗捐

自蕭山辦貨運往甯波者西興併收初起初驗曹百照票北
門二起舊少一驗運往杭州者西興併收初起二起江干照票如
運浙西應在湖墅完一驗捐經過各卡查照放行少一驗捐

自曹娥百官辦貨運往甯波者曹百併收初起初驗北門照